



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՉԱԺՈՂՈՎ
Ո Ր Ո Շ ՈՒ Մ**

25 մայիսի 2016 թվականի №127Ն
քաղ. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՉԱԺՈՂՈՎԻ 2005 ԹՎԱԿԱՆԻ ՍԵՊՏԵՄԲԵՐԻ 16-Ի №125Ն ՈՐՈՇՄԱՆ ՄԵԶ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 21-րդ, 22-րդ հոդվածները և «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասը՝ Հայաստանի Հանրապետության հանրային ծառայությունները կարգավորող հանձնաժողովը որոշում է.

1. Հայաստանի Հանրապետության հանրային ծառայությունները կարգավորող հանձնաժողովի 2005 թվականի սեպտեմբերի 16-ի «Էլեկտրական էներգիա արտադրող ընկերությունների կողմից առաքված էլեկտրական էներգիայի (հզորության) սակագների հաշվարկման մեթոդաբանությունը հաստատելու մասին» №125Ն որոշման (այսուհետ՝ Որոշում) վերնագրում և 1-ին կետում «մեթոդաբանությունը» բառը փոխարինել «մեթոդիկան» բառով:

2. Որոշման 1-ին կետով հաստատված հավելվածում՝ էլեկտրական էներգիա արտադրող ընկերությունների կողմից առաքված էլեկտրական էներգիայի (հզորության) սակագների հաշվարկման մեթոդաբանությունում (այսուհետ՝ Հավելված), կատարել հետևյալ փոփոխությունները և լրացումները.

- 1) Հավելվածի վերնագրում, 1-ին, 3.1 և 4.3.3 գլուխներում «մեթոդաբանություն» բառը և դրա հոլովածները փոխարինել «մեթոդիկա» բառով և դրա հոլովածներով.
- 2) Հավելվածի 1-ին գլուխ՝
 - ա. 1-ին պարբերությունում «10 ՄՎտ-ից ավելի» բառերը փոխարինել «30 ՄՎտ և ավելի» բառերով,
բ. 1-ին պարբերությունը լրացնել նոր նախադասությամբ՝ հետևյալ բովանդակությամբ.

«Սույն մեթոդիկայի 2.1, 2.1.1, 2.1.2, 2.1.3, 2.1.4, 2.4, 3, 3.1, 3.2 գլուխները չեն տարածվում Հայաստանի Հանրապետության կառավարության նախաձեռնությամբ իրականացվող ծրագրերի (մասնավորեցում, նոր արտադրական հզորությունների կառուցում) շրջանակում ստեղծված այն ընկերությունների վրա, որոնց համար նախատեսվել են սակագնային կարգավորման այլ մեխանիզմներ:».

- 3) Հավելվածի 2-րդ գլխում «տարեկան մաշվածությունն է» բառերը փոխարինել «մաշվածության և ոչ նյութական ակտիվների ամորտիզացիայի տարեկան մեծությունն է» բառերով.
- 4) Հավելվածի 2.1.1 գլխից հանել «այդ թվում սոցիալական ապահովագրության հիմնադրամի վճարումները» բառերը.
- 5) Հավելվածը լրացնել հետևյալ բովանդակությամբ 2.1.3 գլխով.

**«2.1.3 ԶԵՐՄԱՅԻՆ ԿԱՅԱՆՆԵՐԻ ՀԱՄԱՐ ԱՐՏԱՐԺՈՒՅԹԻ ՓՈԽԱՐՃԵՔԻ
ՏԱՏԱՆՈՒՄՆԵՐՈՎ ԴԱՅՄԱՆԱՎՈՐՎԱԾ ՎԱՌԵԼԻՔԱՅԻՆ ԾԱԽՄԻ
ՓՈՓՈԽՈՒԹՅԱՆ ՀԱՇՎԱՐԿ**

Երկրույք սակագնային համակարգում գործող ջերմային կայանների համար, որոնք էլեկտրական էներգիայի արտադրության համար վառելիքը ձեռք են բերում արտարժույթին համարժեք դրամով, իրականացվում է տվյալ արտարժույթի նկատմամբ Հայաստանի Հանրապետության դրամի փոխարժեքի տատանումներով պայմանավորված վառելիքային ծախսի փոփոխության ($\Delta\Phi$) հաշվարկ, որն ավելացվում է թույլատրելի ծախսերին կամ նվազեցվում այդ ծախսերից: $\Delta\Phi$ մեծությունը որոշվում է հետևյալ բանաձևով՝

$$\Delta\Phi = \Delta\Phi_{\alpha 1} + \Delta\Phi_{\alpha 2} + \Delta\Phi_{\alpha 3}: \quad$$

ΔΦα մեծությունը որոշվում է հետևյալ բանաձևով՝

$$\Delta\Phi_{\alpha 1} = \sum_{i=1}^n \Phi_{\alpha i} * (\Phi_{\alpha i} * E_{\alpha(i-1)} - \Phi_{\alpha i} * E_{\alpha i}),$$

որտեղ՝

i-ն հաշվարկային տարվան նախորդող ապրիլի 1-ից մինչև մարտի 31-ն ընկած ժամանակահատվածի այն ամիսներն են, որոնց վերաբերյալ առկա են փաստացի տվյալներ,

$\Phi_{\alpha i}$ -ն i-րդ ամսում էլեկտրաէներգետիկական համակարգի ներքին շուկայի պահանջարկի բավարարման համար ջերմային կայանի կողմից փաստացի գնված բնական գազի ծավալն է (հազար խորանարդ մետր),

ԳԱՓ-ն i-րդ ամսում ջերմային կայաններին վաճառվող բնական գազի գործող սակագինն է՝ արտահայտված արտարժույթով (արտարժույթի միավոր/հազար խորանարդ մետր),

ԵՓ(i-1)-ն i-րդ ամսվան նախորդող ամսվա 25-ին Հայաստանի Հանրապետության կենտրոնական բանկի կողմից հրապարակված տվյալ արտարժույթի նկատմամբ Հայաստանի Հանրապետության դրամի՝ արժութային շուկաներում ձևավորված միջին փոխարժեքի մեծությունն է (դրամ/պայմանական արտարժույթ),

ԳԱՀ-ն i-րդ ամսում ջերմային կայանների սակագների հաշվարկներում ներառված՝ ջերմային կայաններին վաճառվող բնական գազի սակագինն է՝ արտահայտված արտարժույթով (արտարժույթի միավոր/հազար խորանարդ մետր),

ԵՀ-ն հաշվարկային տարվան նախորդող ապրիլի 1-ից մինչև մարտի 31-ն ընկած ժամանակահատվածի i-րդ ամսվա սակագնի հաշվարկներում ընդունված տվյալ արտարժույթի նկատմամբ Հայաստանի Հանրապետության դրամի փոխարժեքի մեծությունն է (դրամ/պայմանական արտարժույթ):

ΔՎօ2 մեծությունը որոշվում է հետևյալ բանաձևով՝

$$\Delta V_{\alpha 2} = Q \sigma_z * Q U_z * (E_\Phi - E_z),$$

որտեղ՝

ԳԾz-ն կեկտրաէներգետիկական համակարգի ներքին շուկայի պահանջարկի բավարարման համար գործող սակագնի հաշվարկներում ընդունված՝ ջերմային կայանի կողմից գնվող բնական գազի ծավալն է (հազար խորանարդ մետր), հաշվարկային տարվան նախորդող ապրիլի 1-ից մինչև մարտի 31-ն ընկած ժամանակահատվածի այն ամիսների համար, որոնց վերաբերյալ առկա չեն փաստացի տվյալներ,

ԳԱz-ն ջերմային կայանների գործող սակագնի հաշվարկներում ընդունված ջերմային կայաններին վաճառվող բնական գազի սակագինն է՝ արտահայտված արտարժույթով (արտարժույթի միավոր/հազար խորանարդ մետր),

ԵՓ-ն հաշվարկային տարվան նախորդող ապրիլի 1-ից մինչև մարտի 31-ն ընկած ժամանակահատվածի այն ամսվա 25-ին տվյալ արտարժույթի նկատմամբ Հայաստանի Հանրապետության դրամի՝ արժութային շուկաներում ձևավորված միջին փոխարժեքի մեծությունն է (դրամ/պայմանական արտարժույթ), որի վերաբերյալ առկա է Հայաստանի Հանրապետության կենտրոնական բանկի կողմից հրապարակված վերջին տեղեկատվությունը,

Եշ-ն ջերմային կայանի գործող սակագնի հաշվարկներում ընդունված տվյալ արտարժույթի նկատմամբ Հայաստանի Հանրապետության դրամի փոխարժեքի մեծությունն է (դրամ/պայմանական արտարժույթ):

Ջերմային կայանի համար առաջին անգամ $\Delta\Phi$ մեծությունը հաշվարկելիս $\Delta\Phi_{\text{Զ}}$ -ն ընդունվում է հավասար զրոյի: Երկրորդ և հաջորդ հաշվարկների ժամանակ $\Delta\Phi_{\text{Զ}}$ մեծությունը որոշվում է որպես հաշվարկային տարվան նախորդող տարվա սակագնի հաշվարկներում ներառված $\Delta\Phi_{\text{Զ2}}$ -ի փաստացի տվյալների հիման վրա ճշգրտված մեծության և նույն սակագնի հաշվարկներում ներառված $\Delta\Phi_{\text{Զ2}}$ -ի տարբերություն:»:

- 6) Հավելվածը լրացնել հետևյալ բովանդակությամբ 2.1.4 գլխով.

**«2.1.4 ԱՏՈՄԱՅԻՆ ԿԱՅԱՆԻ ՀԱՄԱՐ ԱՐՏԱՐԺՈՒՅԹԻ ՓՈԽԱՐԺԵՔԻ
ՏԱՏԱՆՈՒՄՆԵՐՈՎ ԴԱՅՄԱՆԱՎՈՐՎԱԾ ՎԱՌԵԼԻՔԱՅԻՆ ԾԱԽՄԻ
ՓՈՓՈԽՈՒԹՅԱՆ ՀԱՇՎԱՐԿ**

Ասումային կայանի համար իրականացվում է արտարժույթի նկատմամբ Հայաստանի Հանրապետության դրամի փոխարժեքի տատանումներով պայմանավորված վառելիքային ծախսի փոփոխության ($\Delta\Phi$) հաշվարկ, որն ավելացվում է թույլատրելի ծախսերին կամ նվազեցվում այդ ծախսերից: $\Delta\Phi$ մեծությունը որոշվում է հետևյալ բանաձևով՝

$$\Delta\Phi = \Phi_{\text{ԱՓ}} - \Phi_{\text{ԱՀ}},$$

որտեղ՝

Փափ-ն հաշվարկային տարվան նախորդող տարվա միջուկային վառելիքի համար փաստացի վճարումներն են՝ համաձայն պայմանագրով նախատեսված ժամանակացույցի (դրամ),

Փառ-ն հաշվարկային տարվան նախորդող տարվա սակագնի հաշվարկներում ընդունված միջուկային վառելիքի արժեքն է՝ համաձայն պայմանագրով նախատեսված ժամանակացույցի (դրամ):».

- 7) Հավելվածի 2.2 գլխում՝

- ա. «տարեկան մաշվածության (U) գումարները» բառերը փոխարինել «մաշվածության և ոչ նյութական ակտիվների ամորտիզացիայի տարեկան գումարները (U)» բառերով,
- բ. «հիմնական միջոցների» բառերից հետո ավելացնել «ու ոչ նյութական ակտիվների» բառերը.

- 8) Հավելվածի 2.3 գլխում «մաշվածությունն» բառից հետո ավելացնել «(ամորտիզացիան» բառը, իսկ «մաշվածության» բառից հետո՝ «(ամորտիզացիայի» բառը.
- 9) Հավելվածը լրացնել հետևյալ բովանդակությամբ 2.3.1 գլխով.

«2.3.1 ԱՆՀՐԱԺԵՇՏ ՖԻՆԱՆՍԱԿԱՆ ԾԱԽՍԵՐԻ ՀԱՏՈՒՑՄԱՆ ՍԿԶԲՈՒՔ

Ընկերության ակտիվների ֆինանսավորման աղբյուրներից, պայմաններից և հնարավորություններից ելնելով՝ սույն մեթոդիկայի 2.2 և 2.3 գլուխներով նախատեսված մաշվածության և թույլատրելի շահույթի փոխարեն կարող է կիրառվել անհրաժեշտ ֆինանսական ծախսերի հատուցման սկզբունքը։ Այս սկզբունքը կիրառվում է Հայաստանի Հանրապետության կառավարությունից կամ Հայաստանի Հանրապետության կառավարության երաշխիքով ստացված արտոնյալ վարկերի հաշվին իրականացվող ծրագրերի դեպքում։ Այդ ծրագրերի շրջանակում ստեղծվող ոչ ընթացիկ ակտիվների մասով մաշվածության (ամորտիզացիայի) և շահույթի փոխարեն անհրաժեշտ հասույթի հաշվարկում ընդունվում են հանձնաժողովի հետ նախապես համաձայնեցված փոխառու միջոցների սպասարկման (տոկոսավճարներ) և մարման ծախսերը, որոնք որոշվում են ընկերության առկա պարտքերի սպասարկման և մարման ժամանակացույցից։»

- 10) Հավելվածի 3.2 գլխի՝

ա. 2-րդ պարբերությունը լրացնել նոր նախադասությամբ՝ հետևյալ բովանդակությամբ.

«Հաստատուն ծախսերում ներառվում են նաև սույն մեթոդիկայի 2.1.3 և 2.1.4 գլուխների համաձայն հաշվարկվող ծախսերը։»,

բ. 4-րդ պարբերությունից հանել «մասամբ» բառը.

- 11) Հավելվածի 4.3.2 գլխի վերջին՝ 6-րդ, պարբերությունը շարադրել հետևյալ խմբագրությամբ.

«Պայմանագրային պատրաստական հղորությունների մեծությունը որոշվում է հանձնաժողովի կողմից սահմանված կարգով։»:

3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը։

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՉԱԺՈՂՈՎԻ ՆԱԽԱԳԱՀ՝**

Ռ. ՆԱԶԱՐՅԱՆ